



Broj: 05/7-50-13-370-31/17

Sarajevo, **24.11.2017.**

Z A P I S N I K

31. sjednice Vijeća nacionalnih manjina BiH, održane 24.11.2017.

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević (ranije napustila sjednicu), druga zamjenica predsjedavajućeg Vijeća nacionalnih manjina BiH, Marija Grbić, Dejan Piotrovski (ranije napustio sjednicu), Eva Pašić-Juhas, Jovanka Manzalović-Šalaka, Hakan Varan, Velibor Kuvač (ranije napustio sjednicu), Dragan Marković, Todorka Jovanović, Nedžad Jusić, Vjeročka Gajić, Jakob Finci, Silvija Vujović (ranije napustila sjednicu), Mladen Radmilović i Davor Ebner.

Sjednici iz opravdanih razloga nije prisustvovao Halil Bicaj.

Sjednici su, također, prisustvovali: Želimir Lalić, šef Odsjeka za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama Ministarstva za ljudska prava i izbjeglice BiH, i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno su** usvojili

D N E V N I R E D

1. Usvajanje Zapisnika 30. sjednice Vijeća nacionalnih manjina BiH;

2. Prijedlog za obnavljanje zahtjeva za provođenje presude Evropskog suda za ljudska prava u predmetu *Sejdić i Finci protiv BiH*;
3. Razmatranje prijedloga za izmjenu i dopunu Izbornog zakona u dijelu kojim se regulira izbor delegata u Domu naroda Parlamenta Federacije BiH, sa osvrtom na delegate iz reda ostalih;
4. Razmatranje Nacrta budžeta za 2018. godinu u dijelovima koji se odnose na podršku nacionalnim manjinama;
5. Razno.

Ad.1. Usvajanje Zapisnika 30. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. Nije bilo rasprave o navedenoj tački dnevnog reda.

Vijeće nacionalnih manjina BiH **jednoglasno** je usvojilo Zapisnik 30. sjednice Vijeća.

Ad.2. Prijedlog za obnavljanje zahtjeva za provođenje presude Evropskog suda za ljudska prava u predmetu *Sejdić i Finci protiv BiH*

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Nedžad Jusić, Eva Pašić-Juhas, Jakob Finci, Davor Ebner, Andrija Svatok, Mladen Radmilović, Tijana Vučurević, Tihomir Knežiček, Todorka Jovanović, Hakan Varan, Dragan Marković, Dejan Piotrovski i Anđelka Dobrilović-Rajak.

Prijedlog modificiranih amandmana na Ustav BiH podnio je Nedžad Jusić.

Nakon rasprave, Vijeće nacionalnih manjina BiH **jednoglasno** je usvojilo zaključak da svim poslanicima i delegatima u Parlamentarnoj skupštini BiH predloži da preuzmu i upute u parlamentarnu proceduru modificirani prijedlog amandmana na Ustav Bosne i Hercegovine, s obzirom na to da Vijeće nacionalnih manjina BiH, **prema poslovnici** **oba doma Parlamentarne skupštine BiH, ne može biti ovlašten predlađač amandmana.**

Vijeće je usvojilo prijedlog sljedećih amandmana:

AMANDMAN II.
NA USTAV BOSNE I HERCEGOVINE

U preambuli Ustava Bosne i Hercegovine iza riječi: "konstitutivni narodi" stavlja se zarez, a riječi: „(u zajednici s ostalima) i" zamjenjuju se riječima: "nacionalne manjine i nacionalno neopredijeljeni".

AMANDMAN III.
NA USTAV BOSNE I HERCEGOVINE

U Ustavu Bosne i Hercegovine član IV.1. Dom naroda mijenja se i glasi:

„1. Dom naroda

Dom naroda sastoji se od 19 delegata, pet Bošnjaka, pet Hrvata, pet Srba i četiri delegata pripadnika nacionalnih manjina u Bosni i Hercegovini, od čega se dva biraju s teritorije Federacije Bosne i Hercegovine i po jedan s teritorije Republike Srpske i Brčko Distrikta Bosne i Hercegovine. Delegate, pripadnike nacionalnih manjina, bira Vijeće nacionalnih manjina Bosne i Hercegovine.“

AMANDMAN IV.
NA USTAV BOSNE I HERCEGOVINE

U Ustavu Bosne i Hercegovine član V. mijenja se i glasi:

“Predsjedništvo Bosne i Hercegovine sastoji se od tri člana, dva iz Federacije BiH i jednog iz Republike Srpske, koji se neposredno biraju iz izbornih jedinica, od čega više od jednog ne mogu biti iz istog konstitutivnog naroda ili iz reda ostalih i građana.“

Amandmani II., III. i IV. na Ustav Bosne i Hercegovine stupaju na snagu osmog dana od dana objavljivanja u "Službenom glasniku BiH", a primjenjivat će se od prvih narednih općih izbora u BiH.

Ad.3. Razmatranje prijedloga za izmjenu i dopunu Izbornog zakona u dijelu kojim se regulira izbor delegata u Domu naroda Parlamenta Federacije BiH, sa osvrtom na delegate iz reda ostalih

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi je učestvovao Nedžad Jusić.

Nakon rasprave, Vijeće nacionalnih manjina BiH je, na prijedlog Nedžada Jusića, odlučilo da se ova tačka povuče s dnevnog reda.

Ad.4. Razmatranje Nacrta budžeta za 2018. godinu u dijelovima koji se odnose na podršku nacionalnim manjinama

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Andrija Svatok, Nedžad Jusić, Eva Pašić-Juhas i Želimir Lalić.

Nakon rasprave, Vijeće nacionalnih manjina BiH **jednoglasno** je usvojilo prijedlog da uputi dopis **Ministarstvu finansija i trezora BiH**, u kojem se od nadležnog ministarstva traži da Vijeću nacionalnih manjina BiH, savjetodavnom tijelu Parlamentarne skupštine BiH, dostavi Nacrt budžeta institucija Bosne i Hercegovine za 2018. godinu, u dijelovima koji se odnose na programe podrške nacionalnim manjinama u Bosni i Hercegovini.

Ad.5. Razno

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Želimir Lalić, Marija Grbić i Nedžad Jusić.

Nakon rasprave, Vijeće nacionalnih manjina BiH jednoglasno je ponovo usvojilo zaključak kojim se upućuje preporuka svim **ministarstvima obrazovanja u Bosni i Hercegovini, na svim nivoima vlasti**, da, u skladu s pozitivnim zakonskim odredbama, uvedu fakultativnu nastavu za pripadnike nacionalnih manjina u Bosni i Hercegovini na jezicima nacionalnih manjina, shodno preporukama iz Drugog izvještaja o primjeni Evropske povelje o regionalnim ili manjinskim jezicima u Bosni i Hercegovini, uz napomenu da je Bosna i Hercegovina 2011. godine ratificirala Evropsku povelju o regionalnim ili manjinskim jezicima i uz preporuku da Vijeće nacionalnih manjina BiH bude obaviješteno o provedenim procedurama u vezi s uvođenjem fakultativne nastave za pripadnike nacionalnih manjina u BiH u što skorijem roku.

Sjednica Vijeća nacionalnih manjina BiH završena je u 19,10 sati.

Sastavni dio Zapisnika je tonski snimak 31. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček